

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.9 Ng.14

Liggaeuq nyaemyzin nienz ndwenbet cibgouj

Geizsoq: Gungh daih 3541 geiz

Liuz Ningz Yawjngonz Camnai Boux Daibyauij Lauxsae

刘宁看望慰问教师代表

Youq mwh aen daih 38 ciet lauxsae daeujdaengz, 9 nyied 9 hauh, Swcigh Dangjveij suhgi, Swcigh Yinza Cangzeijveij cujyin Liuz Ningz bae daengz Gvangsiah Dayoz caeuq Nanzningz Si Daihngaih Cunghyoz, yawjngonz boux daibyauij lauxsae, daibyauij swcigh dangjveij, cwngfuj caensim camnai caeuq cukhoh gyoengq lauxsae daengx gih ciet lauxsae angqyangz.

Youq Gvangsiah Dayoz Dujmuz Gencuz Gunghcwngz Yozyen, Liuz Ningz yawjngonz le aen bingzdaiz yenzgiu sawqniemh gezgou daihgingz, dingq le Gvangsiah Dayoz bauqlwnh gij cingzgvang hong hwnqguh aen yozgoh itlouz dujmuiz gunghcwngz, caemhcaiq caeuq Cinz Cwng ganggoj, haengjdingh de laebdin ganghvei bonjfaenh, laemxsim yenzgiu sonhag, yienqmienx de roengzrengz yenzgiu,

daij aen doih gohyenz roengzrengz guhhong, haenqrengz gung roengz gij dinfwngz vaedsim gvanhgen, mbouj-duenh aeu ndaej cwngzgoj hung moq. Liuz Ningz giengzdih, Gvangsiah Dayoz aeu ciengj gaem seizgei, fatok gijndei, haenqguh baenaj, gaenxmaenx camgya hwnqguh Bingzluz Yinhoz daengj aen gunghcwngz hung, cietsaed gyavaiq hwnqguh “song itlouz”, guhbaenz engq lai aen yozgoh miz daegsaek, yungh hengzdoengh saed-saeh caeuq cingzciik ndei vih hwnqguh aen Gvangsiah gyaundeiz seizdaih moq ok rengz engq lai.

Youq Nanzningz Si Daihngaih Cunghyoz Funlingj Yaugih, Liuz Ningz nyinhcaen dingq le gij cingzgvang mizgven hwnqguh ndawhag civei hagdangz caeuq gauhcungh gyauyuz hwnghat, caemhcaiq caeuq Bungz Cin’gyauh ganggoj, ciengzsaec

roxyiuj gij guhhong ndwenngoenz de, gyo’mbaiq de geij cib bi guh ngoenz ndeu youq gwnz gyangdaiz son saw son vunz. Liuz Ningz yienqmienx Bungz Cin’gyauh laebdaeb roengz-rengz, youq aen ganghvei bingzciengz aeu ndaej cingzciik engq hung moq.

Liuz Ningz naeuz, gyauyuz dwg daihgeiq aenguek, daihgeiq aendangj. Gyoengq lauxsae daengx gih aeu lai roxyiuj gij yiyei gietdingh “song aen laebdingh”, giengiet guh daengz “song aen henhoh”, haeujlaeg hagsib gvancez gij lwnhgangj youqgaenj gvendaengz gyauyuz Siz Ginbingz cungjsuhgi, haeujlaeg gvancez gyauyuz fuengcim dangj, doeksaed gij gaenbonj yinvu guh ndei son vunz, son gyoengq hagseng dingjmaenh mbouj bienq dingq dangj gangj, riengz dangj byaij, roengzrengz majbaenz boux vunzmoq seizdaih rap ndaej

mbaqrap naek minzcuz fukhwng.

Liuz Ningz giengzdih, daengx gih gak gaep dangjveij, cwngfuj caeuq gyauyuz bumwnz aeu lai gyagiengz hwnqguh aen doih lauxsae, ciuqfap baujchang gij gienz caeuq dakdaih lauxsae, hawj lauxsae baenz aen cizyez ndaej sevei aeueiq caeuq hawj vunz hozhaenz, hawj gyoengq lauxsae engqgya ansim son saw son vunz. Aeu dungjcouz ndei hong guenjhanh binghraiq caeuq gyauyuz gyauyoz, netsaed guh ndei guenjhanh binghraiq hagdangz, dingjmaenh ciengzseiz cinjcing guenjhanh caeuq wngqgip cawqleix dox giethab, guh saeq guh ndei ndawhag guenjleix fugsah, cungfaen baujchang lauxsae hagseng hableix aeuyungh, baujmaenh lauxsae hagseng cangqheiq caeuq ndawhag ancienz, cauh aen vanzging ndawhag ancienz simsangj. (Cinz Yizcwz)

Seizcou Mbanjdung Gyaeu Lumj Veh

三江：侗寨秋色美如画

Seizcou, Sanhgyangh Duncuz Swciyen gak yanghcin daengz seiz haeuxnaz baenz sou, Mbanjdung gak dieg vunzlai ganj ngoenz ndit ndei, ciengj sou haeuxnaz, doenghnaz yawj bae nyaengqnyatnyat, cauh baenz fuk veh gyaundeiz ndeu.

(Vuz Lanyinh ingj)



Fwen Cuengh Yauz Gvangsiah Youq Aen Canjyenj Fwen Cazmaj Gujdauij Oknaj

广西壮瑶民歌精彩亮相茶马古道民歌展演

Mboengqneix, “angqcoux Ngeih-cib Daih danqhaenh seizdaih moq gemh bya lingz yiengj majbangh daeuj— aen canjyenj fwen cazmaj gujdauij” youq Yinznanz Swngj Canghyenz Vajcuz Swciyen banh, hozdung dwg Cunghgoz Minzgenh Vwnzyoz Dahi Cuzbanj Gunghcwngz Lingjdauij Siujcuj Bangunghsiz, Cunghgoz Minzhez, Yinznanz Swngj Vwnzlenz cawjbanh. 《Fwen Raemj Fwnz》 Bunujyauz, 《Ngeix Beix Ngoenz Dem

Ngoenz》 diuh Nanzbanzgyangh Boux-cuengh Gvangsiah song aen cezmuiz youq baez canjyenj neix oknaj.

Baez canjyenj neix aen cawjdaez dwg “seizdaih moq • ndwenngoenz moq • seiloh moq”, yienj ok haujlai cungj fwen. Cezmuiz Gvangsiah camgya dwg fwenyoux Cuengh Yauz, ndawde 《Fwen Raemj Fwnz》 dwg mwh bouxcoz Yauzcuz hwnj bya gvej haz raemj fwnz doxdoi eu, yienh’ok bouxcoz sai mbwk youq mwh raemj

fwnz doxdaeuq, aeu fwen cienz cingz doxgyaez.

《Ngeix Beix Ngoenz Dem Ngoenz》 dwg naeuz gij ngeixnaemj caeuq doxgyaez sai mbwk dieg Nanzbanzgyangh. Song hot fwen youq canjyenj yienj ndaej ndei dangq-maz, langhbaej bouxcoz sai mbwk Bouxcuengh, Yauzcuz Gvangsiah yungh fwen cienz cingz caeuq gij cingz doxngex, bouxyawj dangciengz haengjgyaez dangqmaz.

Ciuq cam rox, baez canjyenj neix muzdiz dwg coicaenh cienzswnj cienzboq conzdungj vwnzva maenh-ndei Cunghvaz caeuq fwen daihneix, gyagiengz langhbaej dinfwngz caeuq cienz hag gingniemh doxgyau boux-cienzswnj vwnzyi ndawbiengz, haeuj-coengh saenqhwngh vwnzva lajmbanj, coicaenh gij saehnieb vwnzva ndawbiengz gizdieg hwnghat mwnhoengh.

(Gvangsiah Minzhez)